

叢書集成續編 第一五七冊目錄

文學類




詩文別集——清

詒晉齋集八卷後集一卷隨筆一卷.....	清	永瑗著	翠琅玕	一
寄庵詩文鈔三十三卷.....	清	劉大紳撰	湖南	一三七
秋室集十卷.....	清	楊鳳苞著	湖州	六五三

詒公日齋集

謝元福題



我朝龍興東土不數年而成大一統之規其時
捷伐宣勤則諸王之武功最烈泊乎靈臺偃
伯
文教覃莠賢才蔚興而宗潢人文尤邁往古
自紅蘭貝子首倡風雅問亭將軍紫幢居士
曉亭侍郎月山上公後先繼起提唱宗風代
有聞人未易更僕近年以來則首推
成哲親王焉王少好儒素縱攬博依不以金
璽鑒授之榮易其講道論文之樂蓋天才既
超學力復粹以故詩古文辭動合典則臨池

詒晉齋序

不倦書法尤高每於扈從之餘退居之暇俊
民滿度吮墨擘牋一時名公鉅卿莫不退避
三舍魁生也晚不獲侍鉛槧拜風儀時見碎
金零錦之流落人間者深以未窺全豹爲憾
今 嗣王摩杪手澤摛葺遺編刊詒晉齋集
八卷續集一卷隨筆一卷出以相示且命爲
序魁曷敢以不文辭謹受而卒讀之其詩則
揚風屹雅遠接唐音其文則韓海蘇潮穿穴
經史下及題跋隨筆雖寥寥數語而徵事發
議兀算雄辯讀之者自爾心折蓋以北海之
善書兼東平之工頌兩美二難有過之無不

及已夫章縫寒畯之儒一得自矜猶思壽諸
梨棗此而不傳烏乎可茲賴 嗣王文孫孝
思顯楊梓以行世是集出而流光宗乘播譽
蕝林俾世之仰慕手裁者人手一編以爲快
使我

朝武烈文修後先輝映夫豈僅帶河礪岳胙
土苴茅爲一代之坊表而已哉謹拜手而序
其顛末如此

賜進士出身丙戌傳臚 日講起居注官翰

林院掌院學士禮部尙書麟魁謹撰

詒晉齋序

二

詒晉齋集目錄

卷一

詩 乾隆癸未至癸巳

卷二

詩 甲辰乙巳一

卷三

詩 乙巳二

卷四

詩 丙午至庚戌

卷五

詩 辛亥至癸丑

詒晉齋目錄

卷六

詩 甲寅至 嘉慶戊午

卷七

文

卷八

文

卷九

後集 嘉慶戊辰至庚辰

卷十

隨筆

詒晉齋集卷一 乾隆癸未至癸巳

成親王著

春雨

閑庭春靜百花香細雨濛濛幽興長不捲珠簾對寒燭明朝淥水滿橫塘

詠史詩

交柯蔭永日高閣延清風我思古之人羣書浩何窮抗懷百代上流呵千載中汗隆謂已往休懼諒不同達士有心鑑小儒如夏蟲二守雖世卿得君專如彼三家卒竊鉤悔不納公子大厦莫去楹荒田遂生杞利器一示

卷一

人河魚脫淵水

鶉首賜秦君天亦何爲醉咸陽鑄鋒鏑金人光十二豈知天下兵莫如鉏耰利鬼瞰鎮高甍人恫量危器丹書有至言其量必及世高歌梁甫曲樂此隆中居躬耕布衣事聞達無所需峴岫逢良會幡然出衡廬成敗不逆料大智誰能如

當塗乘閏位典午竊神器生人遇艱難是殆非天意須臾長木標展轉弁髦敝猿鶴去蕭牆干戈竟兒戲三代有遺風淪胥墜於地紛紛奪攘際梁武方乘時初修立枕怨遂作

孤兒欺如何淮堰民不如宗廟犧昭明溘早逝天道良可知

隋煬肆其心不知民力艱征遼偶然事江都好江山歌頌隨龍舟去去不復還誰能監流沫覽鏡空愁顏

文宣著孝經閨門嚴具禮大君建國基是以爲根柢周家過其數厥惟關雎始旣貽武韋禍迤及諸楊矣

遣將未行日出軍未發時都下有誼言點檢將龍飛點檢亦不聞晉王亦不知披衣變中夜欲辭安得辭古有闕文史所以歎宣尼

卷一

讀書池上亭俯盤臨逝波明鏡察我形往古聞則多篇章日稽合星宿疇旁羅長養有仁功天地方南訛

擬日出東南隅行

日出東南隅照耀秦氏樓二月桑葉小三月桑葉舒桑葉何青青下有秦羅敷清晨盥漱罷堂上啟阿姑筠竹編爲筐曲木持作鈎自有鄰家女結伴共踟躕大葉三二寸小葉一寸餘攀條摘滿筐將歸意不留使君從南來五馬耀中衢金鞍繡絡頭遣吏問所須羅敷無所須使君貴且都大兒執金吾小兒府中

趨交錢三百萬絲繩碧綠朱左手睢陽疆右手彈明珠持疆來發彈一發卽中烏重羅復斗帳四面垂流蘇中央銅鑪器枝葉自扶疏清商隨風度中座獻趙謳駕鸞七十二乃在蒲與藁使君自有婦羅敷自有夫各各有壽命莫學魯秋胡

鏡聽詞

今夕夫何夕凜凜歲云除居人悵獨處含意誰與語嗟我多爲恤期逝渺所遇檀車無音聲握粟出何去昔聞阿姆說鏡聽卜行路少小不相信謂當永歡聚啁啾空倉雀焉能逐雞步開奩出青銅藉以好練素置之懷袖中闔扉出復顧中心抱區區但願遂良晤所恐聞人言適爲愁憂助來年會言歸日月忽已遽小姑莫我問人生有征戍

七夕作

灑掃堂中地旣夕張明燈華筵列時果摳衣拜雙星亮月出滄海風露浩中庭玉繩何耿耿羣宿復熒熒遙看鵲橋度側聽鸞車鳴藍丸五色縷綠酒同心繪鑰石卜奇巧銀盤嬉化生窺窻笑方朔鳴鼓訝蔡經開襟樓外思承華殿上情世間故如此天漢方盈盈徒看

機杼苦不見報章成

秋分日作

喬林衆綠退寥天緒風起迨此夕陽好忽共流波靡自有中天月可以見千里山川阻且修白露零未已

出古北口

複嶺風雲鬱層關霄漢開古愁輸遠浪寒色上荒臺飲馬生泉遍連烽到海迴悠然一片月曾照舊龍堆

寒雨吟

行雲掩藹西山岑蒼然暝色成輕陰初看小

卷一

四

苑收殘照漸覺涼風動遠林涼風颯颯吹旋急細雨絲絲芳樹濕鳴鑪小餅自添熏鴛瓦層簷未聞滴轆轤金井闌邊轉隔花宮漏宵寒淺暗疑溽露湛金英靜喜霏香潤蒼蘚金英還雜選蒼蘚正參差芳懷漠漠秋懷並寒淺寒深祇自知空階絡緯啼聲小半落紅蓮向宮沼高樓雁響此時沉寒雨機聲何處好霏微寒雨暮秋天羅幔秋燈黯澹邊秋衣準擬明朝換明日簾櫳冷翠煙

擣衣篇

涼颼習習生蘋末清宵暗露霑絺葛空帷月

色動離愁離愁懸懸不可豁送君南浦芳春
時碧柳初垂門外枝一從輕燕新巢定門外
青苔日夕滋紗牕鸞鏡當秋杪別恨縈紆昏
復曉蓮花楓葉一般紅蓮花紅嫩楓紅老昏
鴉暝色平林外飛去西山落蒼靄蘭缸初上
夜烟輕鴛鴦機纔罷秋情在宵來擣練素閨寒
拂拭玳瑁熨帖安雙杵鳴時風浙淅千門鎖
處斗闌干淒聲斷續繁音變卻憶流鶯春晝
轉征衫遠寄歲華移祇憑玉尺裁霜練

春夜雨 以下甲午

蘭燈澹影搖層簷苔香馥馥入疎簾松牀竹

卷一

五

枕有清氣初聞夜雨鳴纖纖萬籟無聲微響
發三春欲暮緒寒添巡檐獨步風冷然舉頭
但見雲懸懸花邊點滴疑滋露燈外溟濛祇
似烟宵寒雖淺應須避細雨旋停更可憐

四月初六日

賜新居恭紀

賜室初移鶴籩邊清華雲露接高天仙山御
氣霑松迢太液恩波到石泉往者樓臺渾有
地載來書畫亦盈船東牀舊感縈回在嘉樹
陰成近十年

即傅文忠公
賜居

雨晴川唐張文獻公詩餘滋含宿霽衆

妍在朝暉爲

韻

昨日驟雨來振風薄交疏繁聲落山木清氣
滿琴書風雨一如此澄觀復須臾明明嵐霞
散藹藹夕陽餘

白雲出邱陵萬物得其滋離離園中花裊裊
辭故枝日夜安所萌自春徂夏時幽情不可
釋風雅以爲期

晨羞可採擷青青滿筠籃雖云土物微中有
雨露含蒸豚亦何好肥瓠亦何慙顧此嗷嗷
者七箸鳴春蠶

卷一

六

池中金鯽魚頰鱗三十六攸攸且自戲策策
動相逐蘋蘩與之忘江海不可斛拊檻獨沉
吟不覺虞泉宿

洩雲翻其歸高岑廓無翳臨流旣淒清望博
何朗麗日氣涵細縕天光析纖細雖慚三絕
才且歡無隱霽

庭中有高梧潏潏濯得曉甕聊張七絃琴成聲
不成弄晉野遇所希延露和彌衆輕行與浮
彈恍惚見鸞鳳

碧樹當遙峯新花媚平泉猶之撫掌樂愛此
近自然鳴禽音載好傾耳景乍延但言得幽

意不知世所妍

藉蘭鬱修襟抗館豁遠對勝引霄宇間真覽
虛室內側聞古至人乘流立不貸暖清迭推
遷會心適然在

悟物託道心豈必空山遙撫茲草木樂造物
何條條坦坦坐白石默默驗崇朝愧彼忘言
侶衷曲結清謠

百昌何精英軒檻出東瞰光采不可極趣賞
乃具繁中田汎膏澤飛電無餘痕卽事遺常
象理迹遊同原

題倪敬堂先生先人礪疇御史畫七首

卷一
以下乙未

蘭

秋蘭生空山幽深見天意瀼瀼中宵露默默
獨相被引影汎寒漪聞薰邈遙吹羅生自有
叢含豪緬閑媚市門無佳人卉木以其類

梅

生意無時無飄風凌素華雖言日可愛奈此
雪如沙江楓久搖落春心若辭家侵晨尋荒
蹊古樹見寒芽我欲折相贈斯人已雲霞

蓮

離離碧菡萏悠悠臨澤陂潛根清波底明月

照參差魚戲蓮葉間一東復一西不惜白紵
歌歌成深芬貽還知道里遠但願花開遲

菊

微霜覆平臯珍木脫幽境起視庭宇間秋菊
色彌靜寒來知日暄華謝知日永當時對菊
人湛如無瀾井蹇產結寤懷相期媚形影

松

畫松發奇姿枝葉不可數陰合嶠嶂雲暝接
神靈雨瀟落到層空逍遙絕深阻盤根猝難
見下泉抱終古亦知罹凝寒歲宴孰華予

竹

卷一

漠漠素秋雨娟娟修竹竿處幽娉節在識韻
窮山難清夜生微寒令人起長歎鳴禽息楚
佩天風謝齊紈因之步巖石翠葉如珣玕

水仙

中洲沛吾乘要眇所思遠寥芳欲有贈湘水
愁宛轉霜晞羣馥歇月落冲規滿鼓琴驚魚
龍伊人不顧返栖栖豪素閒吾亦知音選

波羅河屯

欲訪粧樓戰壘平斜暉未斂野風生高山盡
見層層影遠水唯聞浩浩聲

九日送姪德恩億及姪孫純詣董各莊

謁大兄定安

親王三兄循郡王五兄榮純親王墓

九日征途望墓祠况當相送騎離離茱萸遇
節余多感霜露生寒爾共知撫首事虛寧有
日億得各時五抱孫心在已無時純謂奕寥天
正此飛鴻度好為携將遠弔辭

晚秋池上

閑齋依碧沼闌檻共澄心竹覆花逾靜雲來
日慙陰賦詩探物妙臨水得秋深過景真難
道輕寒自遠林

題南宋游昭秋林醉歸圖

卷一

九

素縑尺許留南宋項子牙章鈴合縫道是游
昭法李唐筆精意秘流傳重天風策策下平
原古樹如龍攫土蹲半陂以外纖纖草又似
寒波浩蕩翻頽然白叟騎牛背欹側冠簪成
熟醉知章但願麴車逢宏景何知軒冕貴宣
政收藏最盛時倉皇根枯渺留遺可憐腰鼓
城中仕官裏惟聞納克絲

賦得雲裏帝城雙鳳闕以下兩申

為愛春雲好容容護帝城經時蟠鳳闕侵曉
翊金莖咫尺天衢近紛紜象魏縈層扉帙霄
漢雙羽換陰晴恰映朝陽曜常凝灑氣晶長

安高處望雨露竚乾行

閑庭

漠漠閑庭納景寬玉闌干外水光寒春來別
有雙梅樹欲寄情深落筆難

明霞散彩小樓西碧柳初長紫燕啼正是閑
庭風景暮游人歸去草萋萋

補題蔡葛山先生澄懷園八友圖四首

圖作於乾隆二十一年時余生五年
矣八友者梁確軒周葑闢程莘田周
蘭坡陳月溪張西堂觀

舊相有遺構文臣居

賜園以圖為康熙朝索相國所居雍正朝鳳傳

卷一

十

嘉樹譽得乞聖人言書制節謹度匾額御本
不殊風景端由感歿存迢遙就傳日珍重與
君論

八友澄懷宴維時盡老儒驚人成癖性見事

半迂夫顧我生雖後崇賢跡暫紆未嘗專職

業幸不棄憊愚時諸師傳入直教授無尊職

專屬

我與齊年弟中天早對牀十二弟與余同庚

於今年正月食常聯席尺課即共燈光祖道歸

疏廣秦潤泉編詩託宋庠弟有詩余近無兒

遂奄忽世事此堪傷弟無子蒙恩

緬邈開圖畫沉吟激性真各歡今日燕莫減

昔時人求舊稀朋輩優賢又負輪園不咸于

旨館只應霑

御氣長此奉陽春

八懷詩

原通政使司通政使錢塘孫虛船先生

就傳當函杖從君始叩鐘文無華掩實德有義兼容論列誠迂遠涓微庶靖共孫登却歸去不聽萬山松

原大理寺卿無錫王晉川先生

風儀劉煦美骨相鄴侯奇侃侃話言著彬彬

卷一

十一

文質宜明廷希補職中禁且陳詩乾隆癸亥御試

翰詹諸臣於正大光明殿賦得折檻旌直臣詩先生詩中用龍鱗鹿角屬對適合聖製辛苦寒儒事羣書坐肆時

原通政使司副使錢塘陳勾山先生

最甚高樓感其如錦里貧文雖驚俗目詩已法前人解佛非歧路爲儒豈誤身論思在忠孝頭白屬車塵

子告禮部侍郎仁和金海住先生

一自纓塵滌車懸步漸輕風疑君子隘本是

舉家清學以能勞聚言無未定聲江洲將遠淚欵曲到平生十二弟卒先生自南寄詩輒之述當日書齋相聚時事甚

悉

禮部侍郎武進莊方畊先生

成童稍識義實賴與君居饜飫游余志深沉授古書風遺東首馬字滅北飛魚丙舍初非意承明是舊廬

前翰林院侍講學士河間李廉衣先生

生

慎密瓶爲口談言鼎解頤家仍獻王俗身似謫仙詩車服初觀馬荏苒乃及池未須論萬事把酒祝佳兒

原翰林院侍講學士上元秦澗泉先生

卷一

十二

生

六齡承教誨別乃十餘年昔見爲嚴肅今知實愛憐性成常自直恩本未輕捐先生被總師傳章劾時上詳核及欲師門謝忽忽已九泉久始從其素

詹事府少詹事嘉定錢曉徵先生

行敏言尤訥身癯道故肥百家精得善一字必求歸學問盡今古性情安顯微嗟余見君子寤寐想光輝

平兩金川詩

天地今無外

恩威

聖有宜總干揚武烈就日被文思往者封疆
靖常時版籍披如何兩金寇自速五年師錯
壤居叩微呈官授土司蕃夷降李相州治記
姜維維州本漢微外越中驍地蜀姜維征後
昭吐蕃號此因有姜維城唐即其地蜀姜維
復五代蜀州內徙改縣曰保寧宋政威州元
以州治保寧縣并入明於州境析置保寧縣
本朝雍正五年省威州入保寧縣屬茂州今其
地尚稱維州橋此其悖叛之志隱伏已久矣
勝國罹昏桀
與朝煦子遺豺狼貪屬饜虺蝮毒潛吹族類
終猜忌生全罔識知求寧真惻惻負固迺蚩
蚩矢計蒿中射纓稽闕下羈略惟朱輔得心

卷一

三

卽祝良推前度勤
王旅元戎鎮九夷止期能痛悔未忍卽窮追
乾隆十三年大金川頭目郎卡跳梁不靖
曉上命經略大將軍傅恒率師討之師臨其
曉郎卡乞降赦其罪九夷謂內地九土司皆
斯甲布革布什巴旺拉丹與鄂克什從
卓克稜磨載德仍多變尋盟又善疑謬虛儼
滿甲縈染必溫尸倏忽攻丹與紛紜掠掠斯
鳴張滋決裂鷓捷互傾軋枉擬光華漏輕邀
雨露私卡復與革平定之後至二十三年郎
雨泰阿爾泰微兵支吾不增修明寨
卡遺人投京求促浸番語金川憑寇令趨拉
賞請發印信促浸番語金川憑寇令趨拉
番語小困孤羈踪跡旋藏掩置羅漫設施唐
金川

蒙諸道路賈誼請鞭笞加厲洵孚剝從凶慣
朵頤舊應除孛慧芬與斬約綵竿撤金雞揭
符分銅虎推冉駝并部落徵側合雄雌初與
小金爲仇驅逐小金頭目僧格桑後更女之
子爲婚而僧格桑亦與阿爾泰什構釁即卡死
提督董天弼帶兵彈壓終莫從服
詔發滇南帥言巡蜀右陞計調副將軍溫福
率滿洲兵自雲中璋明我誓六鼓問單辭不
日臨飛閣當秋建大旗帳開寒露白馬出亂
雲卑幟已草山板旌還摩壘劇鞬空颺鵬鵠
墟廢竄狐狸犬夏芟篁竹天山刈席箕聞鵠
忘泣父舐犢只携兒桑弁父携妻孥走依索

卷一

直

諾木因卽移孰料周防忽稍令効績遲嘯羣
師討大金川移孰料周防忽稍令効績遲嘯羣
翻倭擾收卒儘委蛇由西路阿桂由南路以
進西路賊擾其後戰於木果木遇縫綏來丹
害而失趨拉南路因收兵而出
鑾泥函降紫峴特徵知律將重整詰戎規阿
桂爲定西將軍印軍校禁旅兼精銳和門壹指擒
之定西將軍印軍校禁旅兼精銳和門壹指擒
荆湘編伍兩秦隴集偏裨敵愾征惟濯陳行
入可采前禽雖暫失蔓草那嘗滋江漢經營
裏雷霆左右之亮豐昇額由南路以進明孫
超剛授乘驂靳盡登陴鄧艾包瓊日張良絕
棧時隱情虞險阻盛氣薄津涯極目羣冰斷
漫空凍雪飾陰森搏浩泮牢落走歷屨箐密

難搖影藤枯易折枝十層凭勒直八角撼凋
飲巨礮殷流火輕舟巧織皮青莖調夏箭白
羽挺吳鉞入探班侯虎乘奔叔黨麋鮮鱗求
肆蠹敷敦覆巢危儻乞哀憐者焉庸殄戮爲
頑心彌轉石衛足莫傾葵伏莽俄撐拄乘垣
且伺窺勒圍宵斫壁四十年阿桂直搗宜喜
日揚麾宜喜山亦賊要害攻之一年
梁禮重推車轂命赴西路而明亮駐宜喜

仁隆結履綦壯謀逾感激長策絕游移憲宰
風摧葉碎旬水決陂高標都控扼別寨總仇
離風昔恢疎網侵尋救做算坡陀黃草死培

卷一

五

樓獨松菱西路黃草坪數月通聲息三營合

路歧長平全碎瓦中冀競奔騰免胄降頭目
褰裳散娣姨賊既窮蹙其大頭目并繫諸木

寧慙七葉落恰剩一楹指蕩析遑矜爾淪胥

待咎誰梯臨城峴吃囊壑浪漫瀾賊巢穴在

川環其西南北三面散亂迷輪轍疲勞懸金

我軍合圍斷絕水陸及燃眉利耳崖爲嘴喇

炊峭崖虛刮耳猛火及依俗名之訛

大隊顏行豁渠會涕泗悲從容收館穀絡繹

駐軍輜圍賊四十餘日索諸木乃於四十一

男婦二千餘人出寨跪捧惟蔡屹停斧花門

印信罪人斯得大功告成面罷勞先聲破槁竹妙著舉枯棋滅燧教幽

障屯田見渭涓殊方遷尉候餘種斥藩籬鴻
雁矜生聚雲霓副渴飢羽環徠舜陛潮渚滙
唐池閱閭名勲樹山川睿想垂喜同聞左邑
功小紀龜茲仲月春衣御游星露布馳
橋陵申愛慕帳殿侍

徽慈百世崇壇杏千年祕檢芝聲靈齊岱嶽
舉鎗協宣尼振旅南轅迂修戎右鉞隨鞬橐
藏府庫偃伯荅神祇嚴道殘剽掠哀牢抗撫
綏到茲誠滅趾何處與埋趾準鸚初同翼羊
牛合共犧午門受俘組牽索諸木等征蠻會
祀馬敗狄亦名彰楊柳依依路檀車鞞鞞期

卷一

六

圖屏動毛髮列爵慰胼胝洗甲迴霄漢銷兵
轉曙曦金門書象魏玉座具威儀遂諭三巴
郡平蠲萬戶貴

皇猷長赫業

帝道豈羈縻會極環瀛海開邊底析支此行
非得已敢誦勒成碑臣恭讀 御製告成
皇上平定伊犁回部拓疆二萬餘里未嘗藉
豐爾兩金用揚武震第逆首罪惡積出於
已也

送姚息齋先生督學湖南丁酉

自我與君居於今三年矣方當遠別離攬袂
不可止以此相悉心蒿翰具條理君才毗明

潔炯若秋潭水物無屢照疲學有一能美餘
子勤汗膚智者綽舉趾雲達漸羽儀忽忽拾
青紫金門翔步高謂當色然喜而乃意深長
沖漠殊未已去去向往古尋源決猛起筆訣
本擅時頗閑干祿體虛矜到惡札冥心降相
擬雅素難具陳脫略舉大抵秋風自西來木
葉散錦綺出門永嘆喟入戶讀陟屺思欲揚
吳船迨茲霜雪始奉使方乘輅請急暫旋里
撫蹟臨江楓興賢掇沅芷倘能諒宿昔何必
同客邇翻反唐棣華交情必有以

詠落花用文衡山韻以下戊戌

卷一

主

春歸何處恨茫然強送閑愁弄雜聯總覺情
殊殷太守也應句擬杜樊川紛紛落葉青林
下藹藹流光紫陌前不爲風花成漫與朝寒
夕攬已中年

名園散步令心傷飄泊紛紜動曉光楮葉年
時成浪費薜華顏色罷新粧遊蜂戲蝶稀深
院雨絮晴絲共曲塘綠陰扶疏繞簾幙重題
金鴨不燒香

少陵野老典朝衣日對江頭萬片飛太覺繁
華經眼遽何期玩賞及春稀舞衫欲拂陰經
咏歌板初停李嶠歸十里灞亭人去後獨臨

歧路惜芬菲

到地無聲可奈何簷楹摩撫舊枝柯知非本
色開應慙幾得浮榮去轉多作態滿筵招祓
舞斷魂中夜艷陽歌更誰檢校城西路細摘
殘英綴綢窠

本擬閑遊爲底忙塵埃擾擾意茫茫如雲早
識無根蒂盡日虛成感色香開府園荒仍滿
屋冬郎詩就只空牆都將命乞偏癡絕老拚
深杯注別腸拚去聲

解恨無端盛小蠻胭脂直是萬金紅芙蓉園
裏流波去鸚鵡泉邊望眼空飛去飛來雙社

卷一

六

燕吹開吹落一春風玉峯想訂他年約別去
唐昌古觀中

紙讀湘纍蘭蕙幽直須勝侶作遨頭清江恰
翠空嗟暮小院銜陰正養愁幾處猶開翻悵
悵三旬恣賞忽悠悠欲教長對琪花影天上
蘭干十二樓

飛揚寂寞兩難任惱亂東陽姓沈人剩與樽
前留下酒不逢君處早隨塵曾臨繡戶欲殘
月忽藉香車送老春到地因緣浪離合一時
絲管盡華茵

深宮扶荔久銷聲金谷河陽舊緒盈覆水杯

空收那得滿城笛怨聽偏明亦知委謝何關
汝自欲貪看且近情沙畔冥冥兩三樹雙垂
玉筍話班荆

王孫何日定歸來莫遣離人賦七哀不覺
殘殺歲月欲隨風去拂樓臺當階索種忘憂
樹埽地須眠稱意苔自笑青春多感喟重霑
彩筆獨徘徊

題晉陸機平復帖

愴父何能擅賦才殊邦羈旅事堪哀夢中黑
憶功名盡身後丹砂著作推丞相有家生二
俊將軍無命到三台鍾王之際存神物綢繆

千年首重回

宋槧有
二役集

題海山先生石門觀瀑圖

劉誠意讀書
處以下已亥

弭棹平江上觀泉到石門昔人讀書處遺蹟
至今存世閱飛流速山開遠勢吞每聞耽勝
賞空對畫圖論夙有山梁性偏兼景物披喧
歷動巖壑灑落見襟期眇論從巴蜀天明初趙
生癡人也其論江左
人物以文成稱首陳踪漫郁離且看觀瀑
者曾否舊鬚眉

憶西園春景

獨步迴廊意思閑晚風斜日落春山關關幽
鳥交啼處已見開花碧樹間

賦得魚上冰得升字以下庚子

太液冰方薄潛魚已漸升乍看浮淺泚不礙
觸輕稜躍未分波出遊疑隔鏡憑暖來羣更
密陰處影猶凝策策呼還得戔戔泮亦曾龍
門春浩蕩得氣有先登

雨夜過三岔口

秋霖腹疾費支持況值長途欲夜時秉燭直
教成潦倒從橋又覺苦棲遲流波總沒荒田
隴老馬猶諳大道歧若使男兒貪惡卧不應
曾有路難詩

曉鴉

卷一

三

萬點飛銜曙色來玉房風葉響蓬萊不知高
處寒如許下見千門萬戶開

咏燕截句

辛丑

綠逕溶溶暖香雲漠漠低隔簾窺翦影倦盡
避巢泥

葛山先生請假旋里詩以餞行

以下
黃

公在承明久余心夙所降舊人論第一理學
况無雙秋月明通路寒梅接海邦隔年雖少
別應復憶書窗

詠橄欖

青青諫果玉盤堆搓弄清香日幾回臭味須

諸餘苦盡齒牙多分有甘來大官豈獨供都
蔗庶士應教佐標梅聞得閩中詩與道千尋
直抵豫章村

詠已退筆

會架珊瑚聲價高卽今誰握缺殘毫依稀剩
管空三寸太息無人愛二毛髡友郎封題未
愧浪仙詩祭澗應叨已成花落無痕夢記否
詞林有舊勞

詠雞缸

使君且莫唱黃雞把盞當歌風雨淒容醉不
妨中夜舞酒闌應到曉窓啼碧金鸚鵡羣仙

卷一

三

勸白玉鸞鵲廣宴携蘇勃泥青來漸少傳聞
更出大洋西

龍福寺以下癸卯

唐代漁陽地蕭寥古佛都穴巖栖長老伏蠱
化嬌姝到日溪桃發相看殿柏枯葛山今始
識往蹟有荒蕪

送蔣石先生南歸

去歲相隨北塞上共烹小榼菜花頭而今悵
別東門道又上孤篷潞水舟幾卷携歸舊書
畫餘年暢足好林邱青山對咲鬚眉改却話
金臺足舊遊

鶴唳

綾被增涼露氣清紗窓照影月華明忽聞野
鶴數聲唳知在空林何處行

恭和

御製八溝村元韻

官驛古興州程踰第幾溝地無遺利種俗變
靠天收謂之靠天收九市雜川陸百廛通
馬牛於茲見富庶食德合良謀

佑順寺

喀爾沁盟地中此爲各寺
去此百里卽入盛京界矣

東途此寺大遼代古臺荒薺合淒涼殿林棲
剝落牀行行轉方塔處處問團會盟地來朝

卷一

三

過垂鞭入故鄉

九關臺邊門卽柳條邊

朝辭蒙古地行入

盛京邊柳柵爲風古金城

恃德堅地方義州近河水大凌連卽此恢疆
宇興思

啟士年

渡句驪河

句驪之河河水古貞觀萬馬飲馬渡淤泥塞
道軍負土行人欲尋失故處何況司馬懿與
公孫淵一勝一敗千餘年蕭蕭野岸水無言